

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLjENjE**

**po zahtjevu privrednog subjekta Wintersdorfer Baustoffe Beteiligungs GmbH, R  
Austrija u vezi obaveze prijave namjere koncentracije**

**Sarajevo  
Septembar, 2007. godine**



Broj: 01-01-26-785-1-I/07  
Sarajevo, 28.09.2007. godine

Na osnovu člana 25. stav (1) pod f) Zakona o konkurenciji ("Službeni glasnik BiH", broj 48/05), a na zahtjev privrednog subjekta Wietersdorfer Baustoffe Beteiligungs GmbH, Ferdinand-Jergitsch-Str. 15, AT 9020 Klagenfurt, R Austrija, za davanje mišljenja o obavezi prijave namjere koncentracije, koji je zaprimljen pod brojem: 01-01-26-785-I/07, dana 30.07.2007. godine, Konkurencijsko vijeće na 51. (pedeset i prvoj) sjednici održanoj 28.09.2007. godine, daje

### **MIŠLJENJE**

Privredni subjekat Wietersdorfer Baustoffe Beteiligungs GmbH, Ferdinand-Jergitsch-Str. 15, AT 9020 Klagenfurt, R Austrija (u daljem tekstu: WBB) dana 30.07.2007. godine podnio je zahtjev Konkurencijskom vijeću, zaprimljen pod brojem: 01-01-26-785-I/07, za davanje mišljenja da li se smatra koncentracijom u smislu člana 12. stav (1) tačka (b) Zakona o konkurenciji slučaj prenosa (kupovinom) 100% udjela u temeljnom kapitalu jednog privrednog subjekta od strane drugog privrednog subjekta. U zahtjevu se takođe navodi da su oba privredna subjekta kontrolisana od strane istog, trećeg, privrednog subjekta koji je većinski vlasnik u istim sa po 75% osnovnog kapitala.

Članom 12. Zakona o konkurenciji (u daljem tekstu: Zakon) je propisano da se koncentracijom smatra:

- a) spajanje ili pripajanje nezavisnih privrednih subjekata ili dijelova privrednih subjekata
- b) sticanje kontrole ili preovladavajućeg uticaja jednog odnosno više privrednih subjekata nad drugim odnosno nad više drugih privrednih subjekata ili dijelom drugog privrednog subjekta odnosno dijelovima privrednih subjekata i to:
  - (1) sticanje kupovinom većine dionica ili udjela osnovnog kapitala ili
  - (2) sticanjem većine prava glasa ili,
  - (3) na drugi način u skladu sa odredbama zakona koji regulišu osnivanje privrednih društava koji djeluju kao nezavisni privredni subjekti.

U smislu navedenih odredbi, pod nezavisnim privrednim subjektima smatraju se privredni subjekti koji nisu kontrolisani po bilo kom osnovu od strane trećeg odnosno zajedničkog privrednog subjekta ili više njih. Imajući u vidu dostavljene podatke o vlasničkoj strukturi privrednih subjekata u opísanoj transakciji, u konkretnom slučaju bi se moglo utvrditi da se navedeni privredni subjekti ne mogu smatrati nezavisnim

privrednim subjektima, jer su kontrolisani od strane trećeg, odnosno zajedničkog privrednog subjekta i da je riječ samo o promjeni vlasničke strukture unutar iste grupe.

U skladu sa izloženim, privredni subjekat WBB nije u obavezi podnijeti Prijavu namjere koncentracije za predmetnu koncentraciju u smislu člana 12. stav (1) Zakona o konkurenciji.

Ovo mišljenje dato je isključivo na osnovu podataka navedenih u zahtjevu za davanje mišljenja privrednog subjekta WBB, zaprimljenog od strane Konkurencijskog vijeća dana 30.07.2007. godine pod brojem 01-01-26-785-1/07. Ukoliko dati podaci odstupaju od stvarnog činjeničnog stanja, to bi moglo imati za rezultat davanje drugačijeg mišljenja.

**Predsjednik**

**Sanja Božić**